



Inatsisartunut ilaasortaq,
Isak Johannessen,
Naleraq,
Maani/

Nutaarmiut pillugu § 37 naapertorlugu apeqqummut nr. 134_ 2026-mut akissut

31-07-2026

Suliap normua: 2026 - 13657
All. nr.: 26681967

Inatsisartut suleriaasissaanni § 37, imm. 1 naapertorlugu Nutaarmiut pillugu Naalakkersuisunut apeqquteqarputit. Apeqqut suliassaqafigisannit akineqartussanngorlugu innersuunneqarpoq.

Postboks 269
3900 Nuuk

Oq. (+299) 34 50 00
Fax. (+299) 34 63 55

E-mail: apn@nanoq.gl
www.naalakkersuisut.gl

1. Ukiuni kingullerni qulini Nutaarmiuni ukiumut aalisakkat qassit tonsit tunineqartarsimappat?

1-imut) 2016-imit 2025-mut tabeli Nutaarmiuni tulaassinerit pillugit takussutissiisoq ataani takuuk:

Ukioq	Tulaassinerit (tonsit)
2016	582
2017	778
2018	900
2019	696
2020	650
2021	843
2022	739
2023	399
2024	78
2025	151

2. Tunisanit katillugit nalingi qanoq annertutigisimappat?

2-mut) 2016-imit 2025-mut Nutaarmiuni tunisat nalingi ataani tabelimi takussutissanngorlugit takuneqarsinnaapput:

Ukioq	Tunisinerup nalinga (mio. kr.)
2016	11,4
2017	12,9
2018	16,1
2019	13,6

2020	13,3
2021	16,1
2022	15,4
2023	8,9
2024	1,6
2025	3,8

3. Suliffissuup ukiumut kaaviiaartitai qanoq annertutigisimappat?

3-mut) Nutaarmiuni aalisakkerivik Royal Greenland A/S-imit pigineqarpoq. Akileraartarnermut Aqutsisoqarfiup ilisimatitsissutigisinnaavaa, Nutaarmiuni aalisakkerivik tunisaqarnermi pissarsiat immikkut nalunaarutigineqarneq ajortut. Royal Greenland A/S-ip ukiumoortumik naatsorsuutimini piginneqatigiiffimmi pingaarnerusumi immikkoortortalimmilu ilanngaaseereernerme kaaviiaartitat pillugit ilisimatitsisarpoq. Ingerlatseqatigiiffik Kalaallit Nunaanni tamakkiisumik akileraartussaataatillugu tunisassiorfinnut ataasiakkaannut kaaviiaartitat immikkut nalunaarutiginissaat naatsorsuusiornikkut akileraarutitigulluunniit piumasaqaataanngilaq.

Royal Greenland A/S ilisimatitsivoq: "Royal Greenlandip aallaaviatigut tunisassiorfinnut ataasiakkaanut kisitsisit tunngaviusut ilisimatitsissutigineq ajorpai, paasissutissat taamaattut ingerlatseqatigiiffiup niuernikkut ingerlatsineranut immikkut mianerisassanut ilaammata. Ukiumoortumik nalunaarusiat saqqummersitallu allat tamanit pissarsiarineqarsinnaasut aqutugalugit Royal Greenland suliffeqarfiup suliai, aningaasaqarnikkut angusai inuiaqatigiinnullu tunniussai pillugit ataavartumik nalunaaruteqartarpoq. Paasissutissat ingerlatseqatigiiffiup avammut saqqummiuttagai taakkunani takuneqarsinnaapput."

4. Nutaarmiuni tunisassiornerup avammut tunisinermi naleqassusia qanoq annertutigisimava?

4-mut) Aalisakkerivinnut ataasiakkaanut avammut niuernerup nalinga ilisimatitsissutigineqarneq ajorpoq, taamatuttaarlu tunisassiorfinnut ataasiakkaanut immikkut nalunaarutigininnissamut naatsorsuusiornikkut akileraarutitigulluunniit piumasaqaateqarani.

Tamatuma saniatigut Royal Greenlandip apeqqu 3-mut akissutaa takuuk.

5. Suliffissuaq aalajangersimasumik sulisoqarnikkut kiisalu piffissami aalajangersimasumi sulisartunik qassinik sulisoqarsimava?

5-imut) Aalisakkerivik pineqartoq Royal Greenland A/S-imit pigineqarpoq. Royal Greenland A/S imatut ilisimatitsivoq: "Nutaarmiuni sulisut marluk tallimalluunniit akornanniittarput, ukiup qanoq ilinera suliaassallu annertussusaat apeqqutaatillugit."

6. Akileraarutit akitsuutillu qanoq amerlatigisut akilernerqarsimappat?

6-imut) Kommune akileraarfiusoq tunngavigalugu akileraarutit nalunaarsorneqartarput. Tunisassiorfinnit ataasiakkaannit akileraarutitigut isertitat pillugit Akileraartarnermut Aqutsisoqarfik paasissutissanik peqanngilaq, taamaammallu Nutaarmiuni aalisakkerivik

pillugu akileraarutit tungaatigut ilisimatitsisinnaanani. Sinerissap qaniittuani aalisarnermi qaleralinnit tulaanneqartunit isumalluutitut akitsuutit 01.01.2018-imi atuutilersinneqarput, 01.01.2022-milu atorunnaarsinneqarlutik.

Ukioq	Isumalluutitut akitsuut kr.-t
2016	0
2017	0
2018	846.893
2019	548.555
2020	225.676
2021	0
2022	0
2023	0
2024	0
2025	0

7. Piffissami tassani Nutaarmiuni pisortat aningaasaliissutaat qanoq annertutigisimappat?

7-imut) Sumiiffimmi talittarfik pisortanit pigineqanngimmat Naalakkersuisut ukiuni qulini kingullerni talittarfimmut aningaasaliisimanngillat. Taamatuttaarlu Naalakkersuisut talittarfimmut aserfallatsaaliinissamut pisussaaffeqanngillat.

8. Suliffissuaq imaluunniit ingerlatsisoq talittarfimmut, uninngasuutigisanut imaluunniit sumiiffimmi atortulersuutitut allanut aningaasaliissuteqarsimava?

8-mut) Ineqarnermut, Attaveqaasersuutitut, Isorliunerusunut Upalungaarsimanermullu Naalakkersuisoqarfiup ilisimavaa, Nutaarmiuni umiatsiat tulannerannut iluaqutaasumik assakaasut qajannaarutillu ikkussorneqarsimasut. Taakku sumiiffimmi aalisakkerivimmit ikkussorneqarsimassasut naatsorsuutigineqarpoq.

9. Naalakkersuisut naliliippat talittarfiup maannakkut atugaa isumannaallisaanikkut ingerlatsinikkullu naammaginartumik inissisimanersaq?

9-mut) Ineqarnermut, Attaveqaasersuutitut, Isorliunerusunut Upalungaarsimanermullu Naalakkersuisoqarfik pissutsinik talittarfimmi isumannaallisaanikkut ingerlatsinikkulluunniit ajoqutaasunik ilisimasaqanngilaq.

10. Talittarfimmik nutaamik sananissaq qanoq akeqassava?

10-mut) Ineqarnermut, Attaveqaasersuutitut, Isorliunerusunut Upalungaarsimanermullu Naalakkersuisoqarfik nunaqarfimmi sanaartornissamut pissutsit pillugit ilisimasaqanngilaq, taamaammallu talittarfimmik nutaamik pilersitsinissamut aningaasartuutit eqqortumik missingersorsinnaanagit.

Sikoqassuseq apeqqutaatillugu Royal Arctic Line A/S-ip 2026-mi sumiiffik pingasoriarluni tikittussaavaa. 2025-mi umiarsuaatileqatigiiffik 14-eriarluni tikissimavoq. Tikittarnerit annikillisismaneranut pissutaasoq tassaavoq, tunitsiviup Royal Arctic Line A/S-imut 2026-mi taamaallaat pingasoriarluni tikittoqarnissaanik pisariaqartitsisoqartoq nalunaarutigisimammagu. Taamaammatt Ineqarnermut, Attaveqaasersuutitut, Isorliunerusunut Upalungaarsimanermullu Naalakkersuisoqarfik naliliivoq, Nutaarmiuni talittarfimmik nutaamik pilersitsisariaqarneq killeqartoq.

11. Naalakkersuisut qulakkiissavaat aalisarnermit nalilinnik pilersitsinermut ilaanik sumiiffimmi nammineq aningaasaleeqqittoqartarnissaa?

11-mut) Aalisarnermit naleqarnerulersitsineq sapinngisamik Kalaallit Nunaanut tamarmut iluaqutaassasoq Naalakkersuisut sulissutigaa aamma piffiit ataasiakkaat ilaallutik. Naleqassuseq tunitsivinni pilersinneqartoq inuit ingerlatseqatigiiffillu akileraarutaatigut akileraaruserneqartarpoq. Aalisarnerq ilaatigut suliffeqartitsinikkut inuussutissarsiutinillu inerisaanikkut piujuartitsisumik ineriartortitsinermut tapersersuissasoq Naalakkersuisunut pingaaruteqarpoq, taamaasilluni aalisarnerq siunissaq ungasinnerusoq eqqarsaatigalugu nuna tamakkerlugu siuarsaanermut ineriartortitsinermullu tapertaasinnaangorlugu.

Inussiarnersumik inuulluaqqusillunga



Peter Borg

Aalisarnermut, Piniarnermut, Nunalerinermut Imminullu Pilersornermut Naalakkersuisoq